



# საპროკურორო საბჭო Prosecutorial Council

განკარგულება №1

2024 წლის 27 მაისი

20

## თბილისი

საქართველოს გენერალური პროკურორობის კანდიდატების შესარჩევად  
კონსულტაციის დაწყების შესახებ

„პროკურატურის შესახებ“ საქართველოს ორგანული კანონის მე-16 მუხლის მე-4-მე-6 პუნქტების, საპროკურორო საბჭოს დებულების მე-3 მუხლის მე-6 პუნქტის „ა“ ქვეპუნქტის და მე-4 მუხლის პირველი და მე-4 პუნქტების საფუძველზე, საპროკურორო საბჭო ადგენს:

1. საპროკურორო საბჭომ, გენერალური პროკურორობის კანდიდატების შესარჩევად, 2024 წლის 28 მაისიდან დაიწყოს ერთთვიანი კონსულტაციები აკადემიურ წრეებთან, სამოქალაქო საზოგადოების წარმომადგენლებთან და სამართლის დარგის სპეციალისტებთან.
2. გენერალური პროკურორობის კანდიდატად დარეგისტრირების შესახებ განაცხადის წარმოდგენის უფლება აქვთ საინიციატივო ჯგუფებსა და ცალკეულ პირებს. განაცხადს უნდა დაერთოს ამ განკარგულების დანართი N1 გათვალისწინებული დოკუმენტაცია.
3. გენერალური პროკურორობის კანდიდატობის მსურველთა რეგისტრაცია განხორციელდეს 2024 წლის 28 მაისიდან 2024 წლის 27 ივნისის ჩათვლით. აღნიშნულის უზრუნველყოფა დაევალოს საპროკურორო საბჭოს სამდივნოს.
4. საპროკურორო საბჭო უფლებამოსილია დაუკავშირდეს გენერალური პროკურორობის კანდიდატობის მსურველებს, მათ ყოფილ და ამჟამინდელ დამსაქმებლებსა და კოლეგებს, შესაბამისი სასწავლებლების ადმინისტრაციასა და აკადემიურ პერსონალს, აგრეთვე იმ დაწესებულებებს, სადაც შესაძლებელია ინახებოდეს ინფორმაცია კანდიდატობის

მსურველის ნასამართლობის, მის მიმართ სისხლისსამართლებრივი დევნის დაწყების ან/და შეწყვეტის, დისკრეციის გამოყენებისა და განრიდების შესახებ, სისხლის სამართლის საქმეზე დაზარალებულის ან მოწმის სახით მონაწილეობის, ადმინისტრაციულ და სამოქალაქო დავებში მონაწილეობის, დისციპლინური პასუხისმგებლობის დაკისრების, ადმინისტრაციული სამართალდარღვევის ჩადენის, სამეწარმეო და მოვალეთა რეესტრებში რეგისტრაციის შესახებ, ასევე დაუკავშირდეს ყველა იმ პირს, ვისგანაც შესაძლებელია ინფორმაციის მიღება მისი კვალიფიკაციის, პიროვნული და პროფესიული უნარების შესახებ. ამასთან, უფლებამოსილია გამოითხოვოს ფინანსური მდგომარეობის შესახებ ინფორმაცია იმ სამეწარმეო სუბიექტისაგან, რომელიც საქმიანობს საკრედიტო ინფორმაციის სფეროში. ამასთან, საპროკურორო საბჭოს უფლება აქვს გადაამოწმოს კანდიდატის შესახებ წარმოდგენილი ინფორმაციის და დოკუმენტაციის სიზუსტე და სისრულე. საჭიროების შემთხვევაში გამოითხოვოს შესაბამისი დოკუმენტაცია/ინფორმაცია.

5. აღნიშნული განვარგულების მე-4 პუნქტით გათვალისწინებული უფლებამოსილების ორგანიზაციულ-ტექნიკური უზრუნველყოფა განახორციელოს საპროკურორო საბჭოს სამდივნომ.

6. ეს განვარგულება ძალაშია მიღებისთანავე.

საპროკურორო საბჭოს თავმჯდომარე

შოთა ტყეშელაშვილი



## **საპროკურორო საბჭოსათვის წარმოსადგენი დოკუმენტების ჩამონათვალი:**

1. მომართვა საპროკურორო საბჭოს გენერალური პროკურორობის კანდიდატის წარმოდგენის შესახებ;
2. გენერალური პროკურორობის კანდიდატობის მსურველის წერილობითი თანხმობა (თანდართული ნიმუშის სახით);
3. გენერალური პროკურორობის კანდიდატობის მსურველის სამოტივაციო წერილი;
4. Curriculum Vitae (CV);
5. არანაკლებ 2 რეკომენდატორი - მათი საკონტაქტო ინფორმაცია (განაცხადის პირადად წარმოდგენის შემთხვევაში);
6. ფოტო ბეჭდური ან ელექტრონული სახით;
7. საქართველოს მოქალაქის პირადობის მოწმობის ან პასპორტის ასლი;
8. უმაღლესი იურიდიული განათლების დამადასტურებელი დიპლომის ასლი;
9. დიპლომის დანართის (ნიშნების ფურცლის) ასლი;
10. ცნობა შრომითი საქმიანობის შესახებ, ნამსახურობის ნუსხა ან შრომის წიგნაკის ასლი (ასეთის არსებობის შემთხვევაში), რომელიც დაადასტურებს: სისხლის სამართლის საქმეების განმხილველ მოსამართლედ ან პროკურორად ან სისხლის სამართლის საქმეებზე ადვოკატად მუშაობის არანაკლებ 5 წლის გამოცდილებას ან იურისტის პროფესიით მუშაობის არანაკლებ 10 წლის გამოცდილებას;
11. ცნობა ნასამართლობის არქონის შესახებ (რომელიც ასევე უნდა მოიცავდეს ინფორმაციას გაქარწყლებული ან მოხსნილი ნასამართლობის შესახებ);
12. ინფორმაცია მის მიმართ სისხლისსამართლებრივი დევნის დაწყების ან/და შეწყვეტის შესახებ;
13. ცნობა ადმინისტრაციული სახდელის დადების შესახებ;
14. ცნობა მოვალეთა რეესტრში რეგისტრაციის შესახებ;

15. ინფორმაცია სამეწარმეო რეესტრში რეგისტრაციის შესახებ;
16. სამეცნიერო/აკადემიური ხარისხის დამადასტურებელი დოკუმენტი - დიპლომი ან/და ცნობა (ასეთი ხარისხის არსებობის შემთხვევაში);
17. ცნობა ჯანმრთელობის მდგომარეობის შესახებ (ფორმა N IV - 100/ა);
18. ცნობა ნარკოლოგიური შემოწმებისა და აღრიცხვაზე არ ყოფნის შესახებ.
19. ნებისმიერი სხვა დოკუმენტი, რომელიც დამატებით ადასტურებს „პროკურატურის შესახებ“ საქართველოს ორგანული კანონის მე-16 მუხლის პირველი პუნქტით გათვალისწინებულ კანდიდატის მაღალ ავტორიტეტს, ზნეობის და პროფესიული თვისებების გამო.

საპროცესურორო საბჭოს თავმჯდომარეს

ბატონ შოთა ტყეშელაშვილს

მოქალაქე -----

პირადი №-----

საცხოვრებელი ადგილი რეგისტრაციის

მიხედვით:

-----

-----

ფაქტობრივი საცხოვრებელი ადგილი:

-----

-----

ტელეფონის ნომერი- ელ ფოსტა

## გ ა ნ ც ხ ა დ ე ბ ა

თანხმობას ვაცხადებ საქართველოს პროკურატურის საპროცესურორო საბჭოს მიერ  
განხილულ იქნას ----- მიერ წარმოდგენილი ჩემი კანდიდატურა საქართველოს  
გენერალური პროკურორის თანამდებობაზე შესარჩევად.

„პროკურატურის შესახებ“ საქართველოს ორგანული კანონის მე-16 მუხლის პირველი  
პუნქტით განსაზღვრულ მოთხოვნებთან შესაბამისობის დასადგენად, თანახმა ვარ  
ჩემს შესახებ ინფორმაციის მოძიებისას საპროცესურორო საბჭოს წევრები ან/და საბჭოს  
მიერ საამისო უფლებამოსილებით აღჭურვილი პირები (სამდივნოს  
წარმოადგენლები) დაუკავშირდნენ ყოფილ და ამჟამინდელ დამსაქმებლებსა და

კოლეგებს, შესაბამისი სასწავლებლების ადმინისტრაციასა და აკადემიურ პერსონალს, აგრეთვე იმ დაწესებულებებს, სადაც შესაძლებელია ინახებოდეს ინფორმაცია ჩემი ნასამართლობის, ჩემს მიმართ სისხლისსამართლებრივი დევნის დაწყების ან/და შეწყვეტის, დისკრეციის გამოყენებისა და განრიდების შესახებ, სისხლის სამართლის საქმეზე დაზარალებულის ან მოწმის სახით მონაწილეობის, ადმინისტრაციულ და სამოქალაქო დავებში მონაწილეობის, დისციპლინური პასუხისმგებლობის დაკისრების, ადმინისტრაციული სამართალდარღვევის ჩადენის, სამეწარმეო და მოვალეთა რეესტრებში რეგისტრაციის შესახებ. ასევე დაუკავშირდნენ ყველა იმ პირს, ვისგანაც შესაძლებელია ინფორმაციის მიღება ჩემი კვალიფიკაციის, პიროვნული და პროფესიული უნარების შესახებ. ასევე გამოითხოვონ ჩემი ფინანსური მდგომარეობის შესახებ ინფორმაცია იმ სამეწარმეო სუბიექტისაგან, რომელიც საქმიანობს საკრედიტო ინფორმაციის სფეროში. ამასთან, უფლება აქვთ გადაამოწმონ ჩემი კანდიდატურის შესახებ წარმოდგენილი ინფორმაციისა და დოკუმენტაციის სიზუსტე და სისრულე, საჭიროების შემთხვევაში გამოითხოვონ შესაბამისი ინფორმაცია/დოკუმენტაცია.

თანახმა ვარ ჩემი კანდიდატურის განხილვასთან დაკავშირებული პერსონალური მონაცემების (მათ შორის განსაკუთრებული კატეგორიის მონაცემების) დამუშავება/გასაჯაროებაზე.

პატივისცემით,

ხელმოწერა

სახელი და გვარი

თარიღი: ----- 2024 წელი